

Nukissiorfiit

Kukkunersiuisut oqaaseqaataat ukioq 2013-imi naatsorsuutininut

Revisionsprotokollat til årsregnskabet 2013

Imarisai

	<u>Qupp.</u>
1. Ukiumoortumik naatsorsuutinin kukknersiuneq	232
1.1 Ukiumoortumik naatsorsuutit	232
1.2 Nalorninartunik naliliineq aamma kukknersiunermin iliuusissat	232
1.3 IT-mik misissuisarnerit ataatsimut isigalugit misissorneqarnerat	233
1.4 Taarsiiffigitinnissaq pillugu nalornisoqarnera	234
1.5 Ukiup naaneranut naligiissarinnermut suleriaatsit il.il.	235
1.6 Suleriaatsit aamma suliffeqarfimmi namminermin misissuisarnerit	235
1.7 Ukiumi naatsorsuutit inernerat aamma ingerlatsinnermut tapiissutit	236
1.8 Akiligassallit	236
1.9 Akileraartarnermut aqutsisoqarfimmut nalunaaruteqartarneq	237
1.10 Nioqutissat toqqortaait	237
1.11 Akiligassaqarfinit kisitsisitigut naligiissarisarneq	238
1.12 Feeripengisiaqartitsinissamut pisussaaffiit	238
1.13 Suliffeqarfik sinnerlugu piginnaatitsissutinin tunngasut	238
1.14 Attartortitsinnermut isumaqatigiissut, Nuummi qullersaqarfik	239
1.15 Agguataarinnermut naatsorsuutit	239
1.16 Peqquserlunnerit pillugit pisortamik oqaloqateqarneq	239
2. Ukiumoortumik naatsorsuutininu oqaaseqaatit	240
2.1 Naatsorsuutit inernerat	240
2.2 Oqimaqatigiisitsineq	240
3. Paasissutissat allat	240
3.1 Aqutsisut naatsorsuutininu uppersaaneerat	240
3.2 Siunnersuunermik aamma ikiuilluni suliaqarnerit	240
4. Kukknersiunermik ingerlanneqartumik inerniliineq	240
4.1 Ukiumoortumik naatsorsuutinin kukknersiuneq	240
5. Kukknersiunerup siunertaa annertussusia aamma akisussaaffiit agguarnerat	241
6. Uppersaaneq	241

Kukkunersiuisut oqaaseqaataat ukiumoortumik 2013-imut naatsorsuutininut

1. Ukiumoortumik naatsorsuutininik kukkunersiuiineq

1.1 Ukiumoortumik naatsorsuutit

Nukissiorfinni pisortaasut naatsorsuutininik ukiumut naatsorsuusiortiusumut 2013-imut saqqummiussaannik kukkunersiuiernerput naammassivarput. Ukiumi pineqartut naatsorsuutit takutippaat:

	2013 t.kr.	2012 t.kr.
Naatsorsuutitigut angusat	11.477	(17.410)
Naliliutit	5.091.541	5.033.121
Namminerisamik aningaasaatit	2.986.356	2.917.842

1.2 Nalorninartuninik naliliineq aamma kukkunersiuiernermi iliuusissat

Kukkunersiuiernerup ingerlanneqarnerani aallaavigineqassaaq kukkunersiuiernermit iliuusissatut pilersaarut uagutsinnik suliarineqartoq. Kukkunersiuiernerup iliuusissamik pilersaarusiorneqarneratigut qulakkeerneqassaaq kukkunersiuiernermi qitiutitsisoqarnissaa niuernermi aamma allaffissornermi sammisanut pingaaruteqartunut aamma nalorninernerpaajusunut, tamakku ukiumoortumik naatsorsuutininut pingaaruteqarmata.

Suliffeqarfiup pisortaanit oqaloqateqarnermit tunngaveqartumik aamma uagut suliffeqarfiup ingerlataanut aamma pissutsinut allanut ilisimasaqarnerput tunngavigalugit pilersaarusiornitsinnut atatillugu aamma kukkunersiuiinitta ingerlannerani malugivarput sammisani suni ukiumoortumik naatsorsuutininu malunnaateqartuninik kukkusoaqarsinnaaneranut annertunerpaamik nalorninartoqarnerisoq.

Tamatuma kingunerisaanik kukkunersiuiernermi pingaartillugu qitiutinneqarput naatsorsuutininu immikkoortut aamma sammisat nalorninartoqarfusinnaasut, taakkununnga ilaatigut ilaapput naatsorsuutitigut nalilersuinerit ukiumoortumik naatsorsuutininu naliliutit aamma pisussaaffiit nalilersorneqarneranni:

- Kaaviiartitat
- Akiligassaqaqtut
- Sulisoqarnermut aningaasartuutit
- Akiligassaqaqfiit / aningaasartuutit akilerneqartussat
- Sanaartukkanik naliliutit

Sammisani allani nalorninartoqarnera nalinginnaasutut nalilerneqarpoq taamaattumillu kukkunersiuinerup annertussusia annikinnerulluni.

Ukiup ingerlanerani kukkunersiuinerup ilagisimavaa nalilersuineq suliffeqarfiup nalunaarsuisarnermut atortuinut tunngatillugu, suleriaatsit aamma suliffeqarfimmi namminermi misissuisarnerit isumannaatsumik ingerlanersut. Tamatumunnga siunertaavoq nakkutigissallugu naatsorsuutunik saqqummiussinissamut tunngaviusussanik eqqortunik, uppernassusilinni aamma piffissamik eqquilluni bogholderimut nalunaarsuisarnissamut atortussat pigineqarnerisut.

1.3 IT-mik misissuisarnerit ataatsimut isigalugit misissorneqarnerat

IT-mik misissuisarnerit nalinginnaasut tassaapput misissuisarnerit pisortaasunit pilersinneqarsimasut suliffeqarfiup IT-mut aallaaviini taakkununnga attuumassuteqartuni, tamatumani siunertarineqarluni IT-mik atuinerup nakkutigineqarluarnissaa aamma isumannaatsuunissaa taamaaliornikkut paasisutissanik (data) passussinerup tutsuiginartuunissaa niuernermit IT atorlugu ingerlatsinerni tapersorsorniarlugu.

Nukissiorfinni kukkunersiuinermit ilaatillugu Deloitte-mit IT-mik misissuisarneq nalinginnaasooq kukkunersiorparput, tassa ukiumoortumik naatsorsuusiordermut attuumassuteqartutut nalilerneqartut, tamanna paasisutissanik pingaarutilinnik kukkuneqanngitsumik eqqortunik takutissappat aamma inatsisitigut piunasaqaatinut tamanna naleqquttuummat.

Ataatsimut kukkunersiuinermit tunngavigineqarput arlaqartut eqqarsaatigalugu suliffeqarfimmi misissuisarnerit aammattaaq suliffeqarfiup sullissinissamik pisiaqarfigisimasaani, ilanngullugit misissuisarnerit inunnit suliarineqartartut aamma misissuisarnerit atuisut atortuini automatiskimik ingerlanneqartartut, tassa suliffeqarfiup aamma sullissinissamik pissiffigineqarsimasup atortagaat. IT-mik misissuisarnerit nalinginnaasut kukkunersiorneqarneranni ilanngunneqanngillat atuisut atugaanni ataasiakkaani misissuisarnermik aamma isumannaatsuunissamut qaffasissutsinik nalilersuineq, tamatumunnga ilanngullugit allaffissornermit ingerlatsinerni misissuisarnerit automatiskiusut aamma atuisut atortuinut niuernermit ingerlatsinerni atorneqartartunut isersinnaatitaanernut pinsinnaatitaaffiit.

IT-mut misissuisarnermik kukkunersiuinerput tunngavigalugu uagut nalilerparput IT-mik misissuisarnerit nalinginnaasut piffissami pineqartumik sammisat ilaanni naleqquttumik ilusilersorneqarsimanngitsut aamma atatiinnarneqarsimanngitsut.

Paasivarput Nukissiorfiit aamma sullissinermik pisiffigisimasat akornanni Inu:IT aamma EG NeoProcess isumaqatigiissusiortoqarsimasooq, kisianni isumaqatigiissutini taakkunani amigaataasut akisussaaffinni agguataarinermut tunngatillugu erseqqissaatit, aammattaaq IT-mik sullissinermi SLA-mut aamma compliance-mut tunngasunut atatillugu. Qularnaarlugu paasivarput piviusumik

Nukissiorfiinulluunniit imaluunniit sullissinissamik pisiffigineqarsimasunit erseqqissaatigineqarsinnaanngitsoq sullissinerit soorpiaat tunniunneqassanersut, tunniussinissanut taakkununga piumasaqaatit aammattaaq akisussaaffiit agguataarneqarnerat. Taamaalilluta pingaaruteqartut makku inassutigaaavut:

- Nukissiorfinnit suliarisariaqarput sullissinissamat isumaqatigiissutit piviusut (SLA) sullissinermik pisiffigisimasanut ukununga Inu:IT aamma EG NeoProcess, tassani erseqqissarneqassapput Nukissiorfiit aamma sullissinermik pisiffigisimasat akornanni sullissinermi tunniunneqartussat suunerinut tunngatillugu.
- Ineriartortitsisut avataaneersut Axaptamut nioqutissiornermut atorneqartumut isersinnaanerannut aamma pininnaatitaaffiannut killilersuisoqartariaqarpoq. Aallaavigineqartariaqarpoq issersinnaatitaanerup pisariaqartitsineq tunngavigalugu tunniunneqartarnissaa aammattaaq nakkutigineqartumik ingerlanneqarluni. Sullinneqarnissamik pisariaqartitsinermik pissuteqartumik tamanna pinnaanngippat taava nioqutissiornermi atortumi allanngortinneqartut tamarmik allatorneqartariaqarput, allattukkallu taakku akuttunngitsumik misissorneqartassallutik.

Sukumiisumik nalunaarusiorpugut takusavut aamma inassuteqaatigut ilanngullugit tassa misissuinerimik ingerlatsinerput tunngavigalugu. Nalunaarusiarput suliffeqarfiup ulluinnarni aqutsisuinut siunnersuutitut saqqummiunneqarpoq.

Nukissiorfiit IT-mik misissuisarnerit nalinginnaasut pingaaruteqartut Inu:IT-mut suliffeqarfiup avataaniittumut suliassanngortissimavai. Suliffeqarfik avataaneersunut suliassanngortitanut tunngatillugu Inu:IT-mit atortunik kukkunersiuinerimut uppernarsaammik pissarsiniarsimavoq, avataaneersunik atortunik kukkunersiuinerimik tassuuna uppernarsarneqassammat, avataaneersunut suliassanngortinneqarsimasut misissuisarnerit tutsuiginartumik ingerlanneqartarnerat.

Atortunik kukkunersuisunit uppernarsaat suli Inu:IT-mit tiguneqanngilaq. Nalunaarusiami inerniliinerugallartoq tassaavoq; IT-mik misissuisarnerit nalinginnaasut Inu:IT-mit Nukissiorfiit qarasaasiani netværkii aamma serverii nakkutigineqartut annertunersaat naammaginartuusut. Kukkunersuisut uppernarsaaneerat inaarutaasoq marsip 2014-imi naanerani naammassineqarnissaa naatsorsuutigineqarpoq.

1.4 Taarsiiffigitinnissaq pillugu nalornisoqarnera

Nukissiorfiit siilimmasiisarfiat 2013-imi akuersissutigaat Upernavimmi nutaamik innaallagissiorfimmik sanasoqarnissaa. Nukissiorfinnit innaallagissiorfimmut nutaamut akigitinneqartussatut 60 mio. koruunit naatsorsuutigineqarput, taakku 2013-imi isertitanut ilanngunneqarsimapput uani "immikkut isertitat". Taarsiiffigitinnermut tunngatillugu naatsorsuutitigut

iliorsimaneq isumaqatigaarput, taamaattorli tak. matuma kingulianiittoq taassuma nalilerneqarneranut tunngasoq.

Nukissiorfiit aamma Willis Risk Engineering (Willis) akornanni allaffigeqatigiinnermi sillimmasiisarfik siullermik imminut pisussaatiippoq imatut *katillugit taarsissutissat 39,3 mio. koruunit ilanngullugit "atortussat nuunneqarsinnaasut" aamma innaallagissamik, imermik kiassaanermillu tunisassiornermut aningaasartuutaanerusut.* Mailikkut allakkani tulliani sillimmasiisarfiup akuersissutigaa, tassa *...ajoquserneq aningaasartuutaanerusut ilanngullugit 40-50 mio. koruuninik naleqarpoq. Aammaarluni apeqqutaatinneqaqqippoq suli isumaqatigiinniaqqinnissaq, siunissami aningaasartuutaanerusussat aamma inatsisinik eqqortitsinissaq.*

Taamaattumik suliniummut katillugit aningaasatuutaasussat naatsorsuutigineqartuni nalorninartorpoq 10-15 mio. koruuninik qaffasissusilinnik.

Naatsorsuutini allanneqartuni nassuiaat 11, Nukissiorfiit nalorninartut aamma nalornissutaasinnaasut assignngitsut nassuiarsimavaat, tassa taarsiissutitut naatsorsuutitut ilanngunneqartunut tunngasut, uagullu naatsorsuutitigut taamatut iliorsimaneq aamma taassuma nassuiaatigineqarnera isumaqatigaarput.

1.5 Ukiup naaneranut naligiissaarinnermut suleriaatsit il.il.

Ukiuni siuliini pisarneq assigalugu uagut isumaqarpugut suliffeqarfimmi ulluinnarni suleriaatsit aamma misissuisarnerit naammaginatumik ingerlasut, aamma naatsorsuuseriffimmi immikkoortorqarfii ataasiakkaat suliassatik aarlerinangitsumik suliarsaraat.

Kukkunersiuiunita aallartinnerani uagutsinnut saqqummiunneqarpoq naatsorsuutitut siunnersuutit ilanngullugit kisitsisinik naligiissaarinerit naatsorsuutini allanneqartunut tamanut tunngatillugu. Kukkunersiuiinnermi atorneqartussatut tunniunneqartut suliariilluagaapput aamma paasiuminarlutik, aamma naatsorsuutini allanneqartuni inunnik akisussaasuusunik attaveqarsinnaanermut periarfissarissaarsimavugut, tamannalu ukiunut siuliinut sanilliusilluni pitsannguutaavoq erseqqissoq.

Ukiumoortumik naatsorsuutini kukkunerit naammattoorneqartut tamarmik iluarsineqarput.

1.6 Suleriaatsit aamma suliffeqarfimmi namminermit misissuisarnerit

Ukiaq suliffeqarfiup suleriaasii aamma suliffeqarfimmi namminermit misissuisarnerit sammisanut nalorninartunut tunngatillugu nalilersuivugut. Tamatuma saniatigut ukiup ingerlanerani akiligassalinnut toqqakkanut akiligassat annertussusianik nalunaarutininik nassiussisarpugut aammattaq controllerit nalunaarusiaanni oqaaseqatit misissorsimallutigik.

Ingerlaavartumik kukkuinersuineramik ingerlatsinitsinni inerniliivugut ataatsimut isiginnilluni suliffeqarfimmi ulluinnarni ingerlatsinerit aamma suliffeqarfimmi namminerimi misissuisarnerit ajunngitsumik ingerlasut, aamma naatsorsuuseriffimmi immikkoortortani ataasiakkaanni suliasat aarlerinangitsumik suliarineqartartut.

Management letter ulloq 1. oktobari 2013-imeersoq aqutigalugu inassutigaarput controllerit sinerissamiit nalunaarusiarisartagaanni pissutsit pingaaruteqartut paasinierneqassasut. Tassunga atatillugu piviusumik inassutigaarput Sisimiuni quersuarmi atorunnaarsimasunik sukumiisumik nalilersuisoqarnissaa aammattaaq Ilulissat uuttuutit toqqorsivimmiittut misissorneqassasut, saniatigut takuuk immikkoortoq 1.9.

Aningaasarsianut tunngatillugu immikkualuttunik misissuinitinni arlaannik aalajangersimangitsunik tigusisarluta, paasivarput naatsorsuutiginnigisatsinni kukkunerimi aamma amigaataasut arlallit, kiisalu management letterimi aningaasarsianut tunngatillugu arlaqartunik inassuteqaateqarpugut.

Suliasarisat tamakkiisumik immikkoortinneqarsimanngillat sammisani makkunani akiligassaqaarfiit, aningaasarsialerineq aamma akiligassallit. Uagut inassuteqaatigaarput tamatumunnga tunngatillugu nalorninarsinnaasut eqqarsaatigeqqullugit.

1.7 Ukiumi naatsorsuutit inernerat aamma ingerlatsinermut tapiissutit

Ukiumi naatsorsuut inernerat ukiumi pineqartumi ingerlatsinermut tapiissutinut naleqqiunneqarsinnaavoq imatut:

	2013 t.kr.
Ukiumi angusat ukiumut naatsorsuutit malillugit	11.477
- ukiumi pineqartumi immikkut ittumik isertitat	(55.601)
+ ukiumi pineqartumi kingoraartissanik nalikilliliinerit	<u>7.049</u>
Naatsorsuutitigut angusat iluarsisat	<u>(37.075)</u>
Ukiumi pineqartumi ingerlatsinermut tapiissutit	<u>55.055</u>

1.8 Akiligassallit

Ulloq 31. decembari 2013 akiligassalinnut annaasaqaataasinnaasutut illuartinneqarsimapput 4,9 mio. kr. 2012-imi 4,39 mio. koruuniusimapput. Annaasaqaatissatut illuartinneqarsimasut naatsorsorneqarnerat misissorparput. Pingarnerit akiligassallit tassaapput pisisartut akiliisitsiniartarfimmut ingerlatinneqarsimasut, taakkununnga illuartinneqarput annaasassatut 50 %, aammattaaq pisisartut

pilersorneqarnerminnik mattussaasimasut, taakkununga aammattaaq 50 % illuartinneqarput. Suliffeqarfik isumaqatigaarput akiligassalinnut annaasaqaatissatut illuartitanik naliliinerannik.

Akiligassallit katinneqarnerat minusinik inernillit 1.634 t. koruuniupput 31.12.2013 killigalugu (31.12.2012 killigalugu 1.556 t.kr.-usimallutik). Katiterinnerni inerit amerlasuut pisoqarujussuupput aamma erseqqissaatigaarput pissutsit taamaannerisa peqquserluttoqarsinnaanera nalorninarsitikkaat, tassami kialluunniit takusinnaanngilaa katiterinik taakku minusiusut qanoq iliornikkut naligiissinneqarsinnaanersut. Ilisimatinneqarput akiligassalinnut immikkoortortaqarfik katiterinernik taakkuninga misissuillutik aallartissimasut aamma katiterinernik minusinik, tamanna uagut tapersersuinnarsinnaavarput.

1.9 Akileraartarnermut aqutsisoqarfimmut nalunaaruteqartarneq

Misissorparput Akileraartarnermut aqutsisoqarfimmut nalunaaruteqartarnerit (A11) Akileraaruteqartarnermut aqutsisoqarfiup maleruagassiai nutaat malillugit ingerlatinneqartarnerisut. Missugassanik assigiinngitsumik tigusivugut akiliunneqarluni sulinngiffeqarnermi angalanermut, biileqartitaanermut aamma telefoneqartitaanermut nalunaarutiginnittarnermut tunngasunik.

Akiliunneqarluni sulinngiffeqarnermi angalanermut tunngasut eqqortuupput, taamaattorli amigaataavoq nalunaarutigineqarsimasunik katiterisimaneq, taamaattumik tamakkiisumik misissuisoqarsinnaanngilaq.

Biileqartitaanermut nalunaarut ingerlanneqarsimavoq sulisup nammineeirluni paasisutissanik nalunaaruteqarneratigut. Inassutigaarput suliffeqarfik atortumik pilersitsissasoq, nalunaaruteqartarnermik tamakkiisumik aamma eqqortumik qulakkerinnittussamik.

Sulisut aqutsisuusut arlaqartut telefoneqartinneqarput qaammammut 1.000 kr. tikillugit. Uagut isumarput tunngavigalugu aningaasat akileraarutaasussaapput, taamaattumillu Akileraartarnermut aqutsisoqarfimmut nalunaarutigineqartussaallutik.

1.10 Nioqqutissat toqqortaait

Ingerlaavartumik kukkunersiuiunitsinnut tunngatillugu inassutigaarput toqqorsivinniittutit pisoqalisimasut aamma kingoraartissat pisoqqat qitiutinneqarnerulissasut. Nioqqutissat toqqorsivimmiittut naliinik appartitsineq 2013-imi 7,05 mio. koruuniuvoq 2012-imi taamaallaat 118 t. koruuniulluni, ilisimatinneqarpugullu UGT-it arlaqartut uninngasuutaat sukumiisumik misissorparput 2014-imi arlallit malinnaatinneqassasut. Toqqorsivinni uningasuutit qanoq pisoqaatiginerisa agguataarnerat 31.12.2013 killiffigalugu misissorparput, uninngasuutillu nalilerneqarnerannut tunngatillugu Nukissiorfiit isumaqatigaavut, kisianni inassutigaarput atorsinnaajunnaarsimasut nalilerneqarnissaat suli qitiutinneqassasoq kiisalu pissutsit controllerit sinerissami EGT-ni assigiingitsuni angalasarnerminni paasisimasaat iliuuseqarfigineqassasut.

1.11 Akiligassaqarfinit kisitsisitigut naligiissaarisarneq

Nukissiorfiit akiligassaqarfimminnut akiligaangata Akileraartarnermut aqutsisoqarfik periarfissaqarpoq akilerneqartut ilaannit ilanngaateqarnissaminut. Ilisimatinneqarpugut Nukissiorfiit ilanngaatisassat taamaattut pillugit nalunaarfigineqartartoq, kisianni isumaqarpugut akiligassallit tamatigut tamanna pillugu ilisimatinneqartarsimangitsut, taamatutaaq tamatuma kingornatigut akilerneqarsimasut Akileraartarnermut aqutsisoqarfimmiit nalunaarsorneqarsimanerisa pissarsiariniartarnerat ajornakusoortuusoq. Pissutsit taamaannerisa akiligassaqarfinnik ingerlaavartumik kisitsisitigut naligiissaarisarneq unamminartoqartippaat.

Inassutigaarput Nukissiorfiit uteriisissutigissagaat, Nukissiorfiit taamatullu akiligassaqarfiit paasisutissanik tamakkiisunik aamma tamarmiusunik pissarsinissaminut pisinnaatitaanerit, tassa Akileraartarnermut aqutsisoqarfiup ilanngaatigitissimasaanut tunngatillugu, taamaaliortoqarpat tamanna pillugu illuatungeriit arlaannaalluuniit qularuteqassanngimmat.

1.12 Feeripengisiartaqartitsinissamut pisussaaffiit

Nukissiorfiit ukiut marluk matuma siornatigut feeriarnermut politikkimik atuutilersitsivoq, tassani feeriasat atorneqanngitsut aningaasannorlugit tiguneqarnissaannut qinnuteqartoqarsinnaalluni imaluuniit ukiut tullissaanut nuutsinnissaannut qinnuteqartoqarsinnaalluni. Taamaattorli ilisimatinneqarpugut sulisup feeriassaraluaminik nuutsinnissaannut qinnuteqarsimangippat, taakku nalunaarsukkani atatiinneqassasut. Innersuussutigaarput suliffeqarfiup feeriarnermut politikkiata siunissami eqqortinneqartarnissaa.

Ullormiit 31.12.2013 feeripengisiassaraluit misissorsimavagut paasivarpullu siornamut atatillugu atorfilinnut feeripengisiassaagaluit 618 t.kr.-inik qaffassimasut 29 % assigalugu, tamanna ilimagaarput nutaamik feeriarnermut politikki siunertarineqanngitsoq.

Feeripengisiassaagaluit sukumiinerusumik misissuiffigineranni paasivarpullu pisussaaffiup 1/5-deliata missaani inuit 7-8-it pineqartut. Inuit taakku ukiut tamaasa naleqqutinnngilluinnartumik feeriassanik katersisartuusut tamatumunngalu ilutigalugu feeripallaanngivittartuusut. Innersuussutigaarput feeripengisiassat tamarmiusut feeripengisiassaagaluilu, kiisalu sulisut ataasiakkaat feeriassat sukumiisumik misissuiffigineqarnissaat.

1.13 Suliffeqarfik sinnerlugu piginnaatitsissutinut tunngasut

Suliffeqarfimmut pingaartuuvoq fakturat sulisumit rekvisitioninut/pisiniartarnermut/suliniimmut qaninnerpaamik attuumassuteqartumit akuersissutigineqartarnissaat, aamma ilisimatinneqarpugut suliffeqarfik sinnerlugu piginnaatitsissutinut malittarisassat taamaalillutik sanioqqunneqassasut. Sulisoq fakturanik akuersisussatut piginnaatinneqanngikkaangat taava suliffeqarfik sinnerlugu piginnaatitsissutit atorumeereersut peerneqartarput, sulisoq fakturamik akuersisinnalissaaq aamma suliffeqarfik sinnerlugu piginnaatitsissutinut killiliussat atuutilerseqqinneqassallutik. Suliffeqarfik

sinnerlugu piginnaatitsissutitut tunngasut pingaartutut, suliffeqarfiup iluani nakkutiginnittutut, isigaagut, eqqarsaatigineqartariaqarporlu sulisut eqqarsaatigalugit suliffeqarfik sinnerlugu piginnaatitsissutit aaqqiiffigineqarnissaat, imaluunniit malittarisassat tamatumunnga tunngasut sukaterneqassanersut.

1.14 Attartortitsinermit isumaqatigiissut, Nuummi qullersaqarfik

Nuummi qullersaqarfiup illuutigisaanut atatillugu Nykredit Danmarkimik attartortitsinermit isumaqatigiissut marts 2014-imi atorunnaassaaq, ilisimatinneqarpugullu Nukissiorfiit illumik pisinissamut piginnaatinneqarnera Nukissiorfiit atorluarsinnaagaat, tamatuma kinguneranik akiliisinnaassuseqarneq 41,9 mio. kr.-it appassaaq.

1.15 Agguataarinermut naatsorsuutit

Ukiuumut naatsorsuutitut atatiinnarlugu agguataarinermut naatsorsuutit kukkunersiorsimavagut. Misissuinerup oqaaseqaateqarnissamut pissutissaqartitsinngilaq, ataatsimullu ilassutitut naatsorsuutitik annertuumik nalorninarloqarneranik ilisimatitsinerup saniatigut aamma agguataarinermut naatsorsuutini immikkuualuttortaani, tamatumunnga uppernarsaasiinerput "imaqanngilaq".

Erseqqissaatigissavarput taarsiissutit 60 mio. kr.-it (tak. imm. 1.4) innaallagissap akia Upernavimmut ilanngunneqarmat, tamatuma Upernavimmi innaallagissap akianut pitsaasumik annertuumik sunniuteqarpoq ukioq manna agguataarinermut naatsorsuutigisani.

1.16 Peqquserlunnerit pillugit pisortamik oqaloqateqarneq

Kukkunersiuinissatta pilersaarusiorneranut atatillugu suliffeqarfiup pisortaanut peqquserluttoqariatarsinnaanera apeqquaqarput. Pisortaq uagutsinnut ilisimatitsivoq nammineq naliliinini malillugu peqquserluttoqariataarsinnaanera annertunngitsoq, suliffeqarfillu pitsaalluinnartumik nakkutilliisoqartoq, tamatuma ukiumoortumik naatsorsuutini annertuumik kukkussuteqartumik ilisimatitsisoqarnissaa qularnaarpaa, tassunga ilanngullugu suliffeqarfiup naliliutai kukkusumik ilisimatitsinissaq naatsorsuutitik uukapaatitsiniaanerup imaluunniit pissaaneqarnermik atorerluinerup kingunerannik. Pisortaq aammattaaq ilisimatitsivoq peqquserluttoqarsimaneranik imaluunniit peqquserluttoqarsimasinnaaneramik maannakkut misissuisoqarneranik ilisimasaqarani. Tassunga atatillugu oqaatigissavarput kukkunersiuinitsinni ukiumoortumik naatsorsuutini peqquserluttoqarsimanerata kinguneranik kukkunernik paasisaqarsimanata.

2. Ukiumoortumik naatsorsuutitut oqaaseqaatit

2.1 Naatsorsuutit inernerat

Ilaatigit naatsorsuutit inerneranni allattukkanik nalilersueqqissaarpugut aammattaaq ukiut siuliinut aamma missingersuutitut sanilliussilluta.

Isertitat malunnaateqarluartut tamaasa aamma aningaasartuutit uppersaasersuutit ilanngunneqartut ilanngullugit nalilersueqqissaarpavut, tamakkununga ilanngullugit sanaartukkanik akiitsunut tunngatillugu nalikilliliinerit aamma ernianut aningaasartuutit misissoqqissaarlutigik.

2.2 Oqimaqatigiisitsineq

Suliffeqarfiup naatsorsuutit kisitsisinik naligiisaarisarneri, immikkuualuttunut nassuiaataat il.il. oqimaqatigiisitsinerni ataasiakkaani misissorpavut aamma immikkoortoq 1-imi pissutsit taaneqartut saniatigit pissutsit tamakku oqaaseqaateqarnissamut pissutissaqartitsisimangillat.

3. Paasissutissat allat

3.1 Aqutsisut naatsorsuutitut uppersaanerat

Kukkunersiuinermi sammisanut kukkunersioruminaatsunut tunngatillugu aqutsisut naatsorsuutitut uppersaammik, ukiumut naatsorsuiffiusumut 2013-imut tunngatillugu, uagutsinnut tunniusaqarput.

3.2 Siunnersuinermit aamma ikiuilluni suliaqarnerit

Kukkunersiuusut oqaaseqaataat 14. marsi 2013 tunniunnerata kingorna suliffeqarfimmut suliaqarnerit suliarisimasavut fassaapput:

- Sanaartornermi naatsorsuutit kukkunersiuineq
- Agguaassisarnermut naatsorsuutit 2013 kukkunersiuineq

4. Kukkunersiuinermit ingerlanneqartumik inerniineq

4.1 Ukiumoortumik naatsorsuutit kukkunersiuineq

Ukiumoortumik naatsorsuutit kukkunersiuusut uppersaaserpavut akuerisinnaanngisatsinnik naammattuunata imaluunniit paasissutissanik allanik ilanngussaqaqarnata,

Ukiumoortumik naatsorsuutit naammassineqarnerannut atatillugu kukkunersiuunitsinni oqaaseqaativut sukumiisut suliffeqarfiup aqutsisut 25. februaari 2014 ataatsimiinnermi nalunaarutigineqarput.

5. Kukkuersiunerup siunertaa annertussusia aamma akisussaaffiit agguarnerat

Kukkuersiuisutut oqaaseqaatitsinni 16. marsi 2012 kukkuersiunerup siunertaa, annertussusia aamma ingerlanneqarnera, kukkuersiuisup nalunaaruteqartarnerat aammattaaq akisussaaffiit agguataarnerat aqutsisut aamma kukkuersiuisup akornanni nassuiaatigineqarput.

6. Uppernarsaaneq

Inatsisit tunngavigalugit uppersartussaavarput inatsimmi attuumassuteqannginnermik eqquutsitsinissamik piunasaqaataasoq eqqortillutigu, aamma kukkuersiuinitta ingerlanneqarnerani paasisutissat piunasarimasavut tamaasa pissarsiarisimallutigit.

Nuuk, ulloq 14. marsi 2014

Deloitte

Statsautoriseret Revisionspartnerselskab

Claus Bech
Kukkuersiuisoq naalagaaffimmit akuerisaq

Peter A. Wistoft
Kukkuersiuisoq naalagaaffimmit akuerisaq

Akuerineqarpoq

Søren Stach Nielsen
Naalackersuisoqarfimmi pisortaq

Henrik Estrup
Nukissiornermi pisortaq